

Жеке-дара тұтынушыларға атаулы көмек беру қағидаларын бекіту туралы

Қазақстан Республикасы Энергетика министрінің 2014 жылғы 28 қарашадағы № 161 бұйрығы. Қазақстан Республикасының Әділет министрлігінде 2015 жылы 13 қаңтарда № 10083 тіркелді.

Ескерту. Бұйрықтың тақырыбы жаңа редакцияда - ҚР Энергетика министрінің м.а. 30.06.2016 № 294 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

"Жаңартылатын энергия көздерін пайдалануды қолдау туралы" 2009 жылғы 4 шілдедегі Қазақстан Республикасының Заңы 6-бабының 10-7) тармақшасына сәйкес **БҰЙЫРАМЫН:**

1. Қоса беріліп отырған Жеке-дара тұтынушыларға атаулы көмек беру қағидалары бекітілсін.

Ескерту. 1-тармақ жаңа редакцияда - ҚР Энергетика министрінің м.а. 30.06.2016 № 294 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

2. Қазақстан Республикасы Энергетика министрлігінің Жаңартылатын энергия көздері департаменті Қазақстан Республикасының заңнамасында белгіленген тәртіппен :

1) Қазақстан Республикасының Әділет министрлігінде осы бұйрықтың мемлекеттік тіркелуін;

2) осы бұйрықты Қазақстан Республикасының Әділет министрлігінде мемлекеттік тіркелгенінен кейін күнтізбелік он күн ішінде бұқаралық ақпарат құралдарында және "Әділет" ақпараттық-құқықтық жүйесінде ресми жариялауға жолдануын;

3) осы бұйрықтың Қазақстан Республикасы Энергетика министрлігінің ресми интернет-ресурсында және мемлекеттік органдардың интранет-порталында орналастыруын қамтамасыз етсін.

3. Осы бұйрықтың орындалуын бақылау Қазақстан Республикасы Энергетика министрлігінің жетекшілік ететін вице-министріне жүктелсін.

4. Осы бұйрық алғашқы ресми жарияланғанынан кейін күнтізбелік он күн өткен соң қолданысқа енгізіледі.

Министр

В. Школьник

"КЕЛІСІЛГЕН"

Қазақстан Республикасы

Қаржы министрі

Б. Сұлтанов _____

2014 жылғы 12 желтоқсан

Қазақстан Республикасы
Энергетика министрінің
2014 жылғы 28 қарашадағы
№ 161 бұйрығымен
бекітілген

Жеке-дара тұтынушыларға атаулы көмек беру қағидалары

Ескерту. Қағида жаңа редакцияда - ҚР Энергетика министрінің м.а. 30.06.2016 № 294 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

1-тарау. Жалпы ережелер

1. Осы Жеке-дара тұтынушыларға атаулы көмек беру қағидалары (бұдан әрі – Қағидалар) "Жаңартылатын энергия көздерін пайдалануды қолдау туралы" 2009 жылғы 4 шілдедегі Қазақстан Республикасының Заңына сәйкес әзірленді және жеке-дара тұтынушыларға жаңартылатын энергия көздерін пайдалану қондырғыларын сатып алуға атаулы көмек беру тәртібін айқындайды.

2. Осы Қағидаларда мынадай ұғымдар пайдаланылады:

1) жаңартылатын энергия көздерін пайдалану қондырғысы (бұдан әрі – ЖЭК қондырғысы) – жаңартылатын энергия көздері пайдаланыла отырып, электр және жылу энергиясын өндіруге арналған технологиялық және қосалқы жабдық;

2) жеке-дара тұтынушыларға атаулы көмек (бұдан әрі – атаулы көмек) – жеке-дара тұтынушылардың Қазақстанда өндірілген жаңартылатын энергия көздерін пайдалану қондырғыларын сатып алуға жұмсалатын шығындарының бір бөлігін мемлекеттің өтеуі ;

3) Қазақстанда өндірілетін жаңартылатын энергия көздері – қазақстандық өндірушілер өндіретін және:

Қазақстан Республикасында толық өндірілгендер ретінде Кеден одағының және (немесе) Қазақстан Республикасының кеден заңнамасына сәйкес айқындалатын;

Кеден одағының және (немесе) Қазақстан Республикасының заңнамасында белгіленетін жеткілікті қайта өңдеу өлшемшарттарына сәйкес Қазақстан Республикасында жеткілікті қайта өңдеуге ұшырағандар ретінде айқындалатын жаңартылатын энергия көздері;

4) құрылымдық бөлімше – энергетика, құрылыс және тұрғын үй-коммуналдық шаруашылық мәселелеріне жетекшілік ететін ауданның жергілікті атқарушы органының құрылымдық бөлімшесі;

5) уәкілетті орган – жаңартылатын энергия көздерін пайдалануды қолдау саласындағы басшылықты және салааралық үйлестіруді жүзеге асыратын орталық атқарушы орган;

б) электр және (немесе) жылу энергиясын жеке-дара тұтынушы (бұдан әрі – жеке-дара тұтынушы) – электрлендірілмеген елді мекендерде және (немесе) орталықтандырылған электрмен жабдықтау экономикалық жағынан орынсыз қоныстарда автономды режимде жұмыс істейтін жаңартылатын энергия көздерін пайдалану объектісінен электр және (немесе) жылу энергиясын тұтынатын жеке немесе заңды тұлға.

3. Мемлекет жеке-дара тұтынушыларға осы Қағидаларда айқындалатын тәртіппен жиынтық қуаты бес киловаттан аспайтын жаңартылатын энергия көздерін пайдалану қондырғылары құнының елу пайызы мөлшерінде атаулы көмек береді. Атаулы көмек жаңартылатын энергия көздерін пайдалану қондырғысы пайдалануға берілгеннен кейін төленеді.

4. Атаулы көмек беру үшін тиісті аудан әкімінің (бұдан әрі – ауданның ЖАО) шешімімен комиссия (бұдан әрі – комиссия) құрылады. Комиссия құрамына комиссия төрағасы, энергетика, құрылыс және тұрғын үй-коммуналдық шаруашылық мәселелеріне жетекшілік ететін облыстың немесе ауданның өкілі, аумағында ЖЭК қондырғылары орналасқан ауылдық округ немесе ауыл әкімінің өкілі, қоғамдық ұйымдардың өкілдері кіреді.

Құрылымдық бөлімше комиссияның жұмыс органы болып табылады.

2-тарау. Жеке-дара тұтынушыларға атаулы көмек беру тәртібі

5. Атаулы көмек алу үшін жеке-дара тұтынушылар ЖЭК қондырғысы пайдалануға берілгеннен кейін күнтізбелік он төрт күннен кешіктірмей құрылымдық бөлімшеге мынадай құжаттар ұсынады:

- 1) осы Қағидаларға 1-қосымшаға сәйкес нысан бойынша атаулы көмек алуға өтініш;
- 2) жеке басын куәландыратын құжаттың көшірмесі;
- 3) сенімхаттың (жеке-дара тұтынушының құжаттарын басқа жеке тұлға ұсынған жағдайда) көшірмесі;
- 4) жеке-дара тұтынушының өтініште көрсетілген Қазақстанда өндірілетін ЖЭК қондырғыларының жеткізушісімен шарттың көшірмесі;
- 5) еркін нысанда құрастырылатын өтініште көрсетілген ЖЭК қондырғыларын пайдалануға қабылдау туралы акті;
- 6) нөмірін көрсете отырып, екінші деңгейлі банктерде немесе Қазақстан Республикасы Ұлттық Банкінің лицензиясы бар ұйымда жеке шотының бар екені туралы екі данада анықтама.

Ескерту. 5-тармақ жаңа редакцияда – ҚР Энергетика министрінің 27.08.2020 № 287 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

6. Құрылымдық бөлімше:

1) үш жұмыс күні ішінде ұсынылған құжаттарды тексереді және комиссияның қарауына енгізеді.

2) ЖЭК қондырғыларының қондырғыларды пайдалануға қабылдау актілерінде көрсетілген қондырғылар параметрлеріне сәйкес келуін көзбен шолып тексеру мақсатында жеті жұмыс күні ішінде комиссия мүшелерінің елді мекендерге және (немесе) қоныстарға баруын ұйымдастырады.

7. Комиссия тексеріп қарау қорытындылары бойынша үш жұмыс күні ішінде осы Қағидаларға 2-қосымшаға сәйкес нысан бойынша жиынтық қуаты 5 кВт аспайтын ЖЭК қондырғыларын тексеріп қарау актісін (бұдан әрі – тексеріп қарау актісі) жасайды.

Тексеріп қарау актісі жеке-дара тұтынушыға және комиссияға бір данадан екі данада жасалады.

8. Комиссия тексеріп қарау актісінің және жеке-дара тұтынушы ұсынған құжаттар негізінде үш жұмыс күні ішінде осы Қағидаларға 3-қосымшаға сәйкес нысан бойынша ЖЭК қондырғыларын сатып алуға атаулы көмек беру туралы қорытындыны (бұдан әрі – қорытынды) жасайды және оны құрылымдық бөлімшеге ұсынады.

9. Комиссияның қорытындысына ЖЭК қондырғыларын тексеріп қарауды және жеке-дара тұтынушыға тиесілі атаулы көмектің сомасын есептеуді жүргізген комиссия мүшелері қол қояды, аудан әкімі бекітеді, сондай-ақ ауданның ЖАО мөрімен куәландырады.

Комиссияның қорытындысы үш данада жасалады:

1-ші, 2-ші даналар – ауданның ЖАО үшін;

3-ші дана – жеке-дара тұтынушы үшін.

10. Егер Комиссияның қорытындылары бойынша жеке-дара тұтынушыларға берілетін төлемдер сомасы бөлінген бюджеттік қаражаттың көлемінен асып түсетін жағдайда, комиссияның қарауына бұрын түскен жеке-дара тұтынушылардың өтінімдері басым тәртіппен қанағаттандырылады.

11. Құрылымдық бөлімше комиссия қорытындыларының негізінде үш жұмыс күні ішінде осы Қағидаларға 4-қосымшаға сәйкес нысан бойынша атаулы көмек алатын жеке-дара тұтынушылардың тізімін қалыптастырады және аудан әкіміне бекітуге ұсынады.

12. Ауданның ЖАО-сы жеке-дара тұтынушыға атаулы көмек беруді алушының таңдауы бойынша екінші деңгейдегі банктер немесе банк операцияларының тиісті түрлеріне Қазақстан Республикасы Ұлттық Банкінің лицензиясы бар ұйымдағы жеке шотының деректемелері көрсетілген өтінішінің негізінде екінші деңгейдегі банктер

немесе банк операцияларының тиісті түрлеріне Қазақстан Республикасы Ұлттық Банкінің лицензиясы бар ұйым арқылы он бес жұмыс күнінен аспайтын мерзімде жүзеге асырады.

13. ЖЭК қондырғыларын сатып алуға бөлінген атаулы көмек туралы ақпарат тиісті жылғы 31 желтоқсаннан кешіктірмей, ауданның ЖАО интернет-ресурстарында жылына бір рет орналастырылады.

Жеке-дара тұтынушыларға атаулы
көмек беру қағидаларына
1-қосымша

Нысан

Атаулы көмек алуға өтінім

"Жаңартылатын энергия көздерін пайдалануды қолдау туралы" 2009 жылғы 4 шілдедегі Қазақстан Республикасының Заңына сәйкес менің

(өтінім берушінің ТАӘ және (немесе) заңды тұлғаның атауы, өтінім берушінің ЖСН және (немесе) БСН, өтінім берушінің жеке басын куәландыратын құжаттың деректері)

Қазақстанда өндірілетін төменде көрсетілген, _____

_____ мекенжайында

(мекенжайды көрсету)

орналасқан жиынтық қуаты 5 кВт-қа дейін жаңартылатын энергия көздерін пайдалану қондырғыларын (бұдан әрі – ЖЭК қондырғысы) сатып алуыма байланысты, маған атаулы көмек беруіңізді сұраймын:

Р/с №	Қазақстанда өндірілетін ЖЭК қондырғысының атауы	Ж Э К қондырғысының қуаты, кВт	Ж Э К қондырғысының құны, теңге	Өтелетін болжамды сома, теңге	ЖЭК қондырғысының пайдалану мерзімі (жыл)
1	2	3	4	5	6
	Жиыны:				

Барлық берілген құжаттар мен ақпараттың шынайылығына кепілдік беремін.

Атаулы көмек сомасын мынадай деректемелер бойынша жүргізуді сұраймын:

Жеке-дара тұтынушының ЖСН немесе БСН: _____

Банктік шоттың немесе банк операцияларының тиісті түрлеріне Қазақстан Республикасы Ұлттық Банкінің лицензиясы бар ұйымдағы жеке шотының №: _____

Банктің немесе банк операцияларының тиісті түрлеріне Қазақстан Республикасы Ұлттық Банкінің лицензиясы бар ұйымның атауы:

Банктің немесе банк операцияларының тиісті түрлеріне Қазақстан Республикасы Ұлттық Банкінің лицензиясы бар ұйымның жеке коды:

Осы өтінімге мынадай құжаттар қоса беріледі:
(қоса берілетін құжаттардың тізімі)
ТАӘ Қолы Күні

Жеке-дара тұтынушыларға
атаулы көмек беру қағидаларына
2-қосымша
Нысан

Жеке-дара тұтынушыны электрмен жабдықтауды қамтамасыз ететін жаңартылатын энергия көздерін пайдалану қондырғыларын зерттеп-тексеру актісі

Ескерту. 2-қосымша жаңа редакцияда – ҚР Энергетика министрінің 27.08.2020 № 287 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

20__ жылғы "___" _____ № _____

_____ мекенжайы бойынша

(елді мекеннің және (немесе) қоныстың атауы)
біз, төменде қол қоюшылар, комиссия төрағасы:

(лауазымы, тегі, аты, әкесінің аты (бар болған жағдайда) (бұдан әрі – ТАӘ)
комиссия мүшелері:

_____ (лауазымы, ТАӘ)

_____ (лауазымы, ТАӘ)

_____ (лауазымы, ТАӘ)

бір тараптан және жеке-дара тұтынушы

_____ (ТАӘ және (немесе) заңды тұлғаның атауы)

екінші тараптан мынадай жаңартылатын энергия көздерін пайдалану қондырғыларына (бұдан әрі – ЖЭК қондырғысы) көзбен шолып тексеру жүргізілгені туралы осы актіні жасадық:

Қазақстанда өндірілетін ЖЭК қондырғыларын жеткізушінің атауы:

ЖЭК қондырғысын қазақстандық өндірушінің атауы

ЖЭК қондырғысының атауы _____

ЖЭК қондырғысының сәйкестендіру нөмірі _____ қуаты _____ кВт.

Көзбен шолып тексеру барысында жоғарыда көрсетілген ЖЭК қондырғыларының шын мәнінде орнатылғаны, пайдалануға берілгені және жұмыс істейтіні белгіленді.

Комиссия төрағасы:

_____ (лауазымы, ТАӘ)

комиссия мүшелері: _____

_____ (лауазымы, ТАӘ)

Жеке-дара тұтынушы:

_____ (ТАӘ, қолы)

Жеке-дара тұтынушыларға атаулы
көмек беру қағидаларына
3-қосымша

Нысан

"Бекітемін"

_____ (облыстың атауы)

_____ ауданының әкімі

_____ (ТАӘ, мөрі)

Жеке-дара тұтынушыға жаңартылатын энергия көздерін пайдалану қондырғыларын сатып алуға атаулы көмек беру туралы қорытынды

№ _____

күні

_____ (жаңартылатын энергия көздерін пайдалану қондырғыларының (бұдан әрі – ЖЭК қондырғылары) орналасқан жері, оның ішінде елді мекеннің және

_____ (немесе) қоныстың атауы)

(кім құрған, ауданның ЖАО атауы, күні, комиссия құрамы туралы _____ құрылған,
шешімнің нөмірі)

құрамында төраға: _____

(ТАӘ, атқаратын лауазымы және жұмыс орны)

және комиссия мүшелері: _____ бар

(ТАӘ, атқаратын лауазымы және жұмыс орны)

комиссия қаралған құжаттардың нәтижелері бойынша: _____

(құжаттар тізбесі келтіріледі)

_____ және ЖЭК қондырғысын тексеріп қарау нәтижелері бойынша жасалған
комиссия актісінің негізінде _____

(қарап тексеру жүргізілген күн мен

_____ қондырғыны тексеріп қарау актісінен алынған қорытынды келтіріледі)

мынадай қорытынды қабылдады:

_____ (атаулы көмекті төлеудің ұсыным берілетін сомасын көрсете отырып,

_____ комиссия қабылдаған қорытындының негіздемесі келтіріледі)

Қорытындыға қосымша:

- 1) қаралған құжаттардың тізбесі
- 2) ЖЭК қондырғыларын тексеріп қарау актісі
- 3) атаулы көмек төлемі сомасының есебі

_____ Комиссия төрағасы:

_____ (қолы) (ТАӘ)

_____ комиссия мүшелері:

_____ (қолы) (ТАӘ)

_____ (қолы) (ТАӘ)

Жеке-дара тұтынушыларға атаулы
көмек беру қағидаларына
4-қосымша

Нысан

"Бекітемін"

_____ (облыстың атауы)

_____ ауданының әкімі

_____ (ТАӘ, мөрі)

Атаулы көмек алатын жеке-дара тұтынушылардың тізімі

(жаңартылатын энергия көздерін пайдалану қондырғылары құнының 50 %-ын өтеу үшін)

Жаңартылатын энергия көздерін пайдалану қондырғыларының атауы (бұдан әрі – ЖЭК қондырғысы)	Ж Э К қондырғысы орналасқан елді мекеннің және/ немесе қоныстың атауы	Жеке-дара тұтынушының ТАӘ және (немесе) заңды тұлғаның атауы	Ж Э К қондырғысының қуаты, кВт	Ж Э К қондырғысының құны, теңге	Бюджеттік қаражаттың тиесілі сомасы, теңге	20__ ж "____" ____ – – төленуге тиіс, теңге
1	2	3	4	5	6	7
Жиыны:						

Төленетін сома _____ (цифрлармен) _____ (жазбаша) теңге.

_____ ауданының құрылымдық бөлімшесінің

басшысы _____

(ТАӘ, қолы)

Бас бухгалтер _____

(ТАӘ, қолы)